



قلیتا برونی

PELITA BRUNEI

Membudayakan Masyarakat Bermaklumat

مانیسنا ایمان MANISNYA IMAN

"DAN bersegeralah kamu (mengerjakan amal kebajikan untuk membawa kamu) kepada keampunan daripada Tuhan kamu dan ke syurga yang luasnya seluasnya langit dan bumi yang disediakan bagi orang-orang yang bertakwa".
(Surah Ali-Imran, ayat 133)

WAKTU SEMBAHYANG | IMAK 4.44 | SUBUH 4.54 | SYURUK 6.13 | DUHA 6.36 | ZUHUR 12.21 | ASAR 3.31 | MAGHRIB 6.27 | ISYAK 7.37

Daerah Belait ditambah 3 minit
Daerah Tutong ditambah 1 minit

TAHUN 68 BILANGAN 46

17 APRIL 2023 / 1444 رمضان 26

JABATAN PENERANGAN

EDISI ISNIN / PERCUMA

Siaran Akhbar dan Foto : Kementerian Hal Ehwal Ugama

BANDAR SERI BEGAWAN, Sabtu, 15 April. - Manusia diperintahkan oleh Allah Subhanahu Wata'ala untuk mentaati dan berbakti kepada kedua-dua ibu bapa mereka selama mereka hidup mahupun telah tiada.

Pahala dan ganjaran bagi mereka yang berbuat baik kepada ibu bapa merupakan ganjaran yang paling besar yang telah dijanjikan oleh Allah Subhanahu Wata'ala di akhirat nanti.

Begitu juga manusia diingatkan untuk memohon petunjuk daripada Allah Subhanahu Wata'ala supaya mereka sentiasa menyukuri setiap nikmat yang dikurniakan dan melaksanakan amal soleh yang direndai. Ganjaran syurga merupakan janji Allah Subhanahu Wata'ala kepada mereka yang bertaubat dan kembali kepada melaksanakan perintah-Nya dan menjauhi larangan-Nya.

Demikianlah antara huraian inti sari dan pengajaran ayat daripada Tadabbur Al-Quran, Surah Al-Ahqaf, ayat 15-16 disampaikan oleh Penolong Pensyarah Fakulti Usuluddin, Universiti Islam Sultan Sharif Ali (UNISSA), Kementerian Pendidikan dari Surau Al-Syafi'i, Dayang Khairun Naqibah @ Khairun Nadzirah binti Haji Lazim/Haji Abdul Azim.

Munajat Ramadhan pada petang tadi mengundang tetamu khas, Ahli Majlis Mesyuarat Negara, Yang Berhormat Dayang Hajah Safiah binti Sheikh Haji Abdul Salam yang juga memimpin bacaan Sayyidul

Istighfar dan Surah Al-Fatihah bersama para Muslimah Masjid Kampung Bunut dari Masjid Kampung Bunut.

Turut menyertai Munajat Ramadhan bagi meraih ganjaran pahala di bulan yang mulia ini ialah mahasiswi dan pegawai serta kakitangan UNISSA, Kementerian Pendidikan; Muslimah Masjid Kampung Bunut dan Muslimah Masjid Mohamed Bolkihah, Kampung Serusop; dan warga kerja wanita Kementerian Hal Ehwal Ugama (KHEU) dan jabatan-jabatan serta bahagian-bahagian di bawahnya; dan juga para jemaah dari beberapa masjid, surau dan balai ibadat di seluruh negara.

Ikut sama menyerikan acara, isteri Menteri Hal Ehwal Ugama, Datin Hajah Nahriah binti Haji Awang Asbi; dan Isteri Timbalan Menteri Hal Ehwal Ugama, Datin Hajah Norazimah binti Haji Ramlee.

Selesai bacaan Sayyidul Istighfar dan Surah Al-Fatihah, diteruskan dengan bacaan Surah Yaa Siin beramai-ramai dipimpin oleh Johan Qariah Musabaqah Tilawatil Quran Belia Kebangsaan 1443H / 2022M, Dayang Najla' Sabreena binti Haji Abdul Rajid bersama Muslimah dari Masjid Mohamed Bolkihah, Kampung Serusop.

Manakala Doa Munajat dibacakan oleh Nazir Khas, Bahagian Kenaziran, Jabatan Pengajian Islam (JPI), KHEU, Dayang Ernie Yusnani binti Haji Md. Noor dari Surau Blok 2i, Kondominium Onq Sum Ping, JPI.

Bacaan Asma'ul Husna dipimpin oleh Mahasiswi Tahun 4, Fakulti Syariah dan Undang-Undang (Fiqh dan Qadha), UNISSA, Dayang Fatin Nurhanani binti Abdullah Mohdar dari Surau Al-Syafi'i, UNISSA.

Doa Peliharakan Sultan dan Negara Brunei Darussalam dibacakan oleh Pegawai Ugama, Jabatan Hal Ehwal Masjid, KHEU, Dayang Normastiniana binti Haji Metussin, dari Masjid Kampung Bunut.

Munajat Ramadhan anjuran Kementerian Hal Ehwal Ugama mengajak orang ramai untuk bersama-sama mempertingkatkan amalan ibadat di bulan Ramadan ini meminta keampunan dari Allah Subhanahu Wata'ala dengan beristighfar, membaca Surah Yaa Siin dan ayat-ayat suci Al-Quran dan menghayati maknanya, serta merafakkan dan mengaminkan doa secara serentak beramai-ramai dengan harapan agar Negara Brunei Darussalam dan seluruh rakyat dan penduduknya terselamat dari segala bala bencana dan penyakit merbahaya.

Semoga dengan amalan ibadah di bulan Ramadan ini, kehidupan kita dan Negara Brunei Darussalam diberkati.

Penyertaan bagi Munajat Ramadhan dibukakan kepada orang ramai dan dapat diikuti secara maya melalui aplikasi Microsoft Teams di pautan <http://tiny.cc/munajatkheuwanita> atau secara langsung melalui Facebook Pusat Da'wah Islamiah.

RAIH GANJARAN BESAR DENGAN BERBAKTI KEPADA IBU BAPA



MUNAJAT Ramadhan diisikan dengan Tadabbur Al-Quran, Surah Al-Ahqaf, ayat 15-16 disampaikan oleh Penolong Pensyarah Fakulti Usuluddin, Universiti Islam Sultan Sharif Ali (UNISSA), Kementerian Pendidikan dari Surau Al-Syafi'i, Dayang Khairun Naqibah @ Khairun Nadzirah binti Haji Lazim / Haji Abdul Azim.